

悅意夫人是后諸餘天女是妾自餘五天類皆如此色界之中唯局初禪三天有貴有賤

大梵天是君梵輔是臣梵衆是民自此已上  
諸天受報同更無貴賤也

貧富部第二十一 問曰諸天貧富云何答  
曰如正法念經說如炎摩天已上乃盡色界

諸天貧富皆等忉利天已下報有厚薄貧富  
之別其福厚者一切具足果報有餘其薄福  
者雖有衣服七寶宮殿食常不足故彼經說  
曾有薄福諸天以患飢故下來至此闇浮人  
中摘酸棗而食人見形殊遂恠問之彼則答

言我非是人我薄福諸天雖有宮殿上妙衣

服食常不足故來於此摘棗食之汝不須

憚廣如經說前修戒忍  
等然不行施

送終部第二十二 如四天王天乃至阿迦

左吒天眷屬死不送不燒不棄不埋如光焰

沒無有屍骸以化生故四天王天自然令他  
殺死不食肉忉利諸天亦然夜摩天上至阿

迦尼吒天不自殺生亦不令他殺死不食肉  
以化生故死無遺質也頌曰

三界擾擾 六道茫茫 徒還不已 受苦未殃  
報纏敦逼 楚痛分張 寂由惡業 感此危亡  
焉知溺水 詎識舟航 基累重擔 未翥翔翔  
願出穢土 遊息淨方 一念歸正 十八 萬壽無疆

### 法苑珠林卷第三

杜三

蠻虱

上居止反  
下所乙反

積

古猛反

鎧

反

迭

徒結反

窄

作格反  
迫也

脾脫

上更詣反下五  
計反合作脾脫

柵

斬

上楚革反  
也下七

豔

反

堅木立

也下七  
豔反河也

廊直

連筋脉

上訖銀反

鼈

并列反

蝦

墓上遐音

墓下麻音

也下七  
豔反河也

音

杯

博該反

禹兜

智敬書

### 法苑珠林卷第四

杜四

大唐上都西明寺沙門釋道世字玄憲撰

日月篇第三

此有一  
十三部

陳文刻

述意部 星宿部 日宮部 月宮部

寒暑部 照用部 壽盈部 畏雲部

震雷部 擊電部 降雨部 失候部  
地動部

述意部第一

若夫世界未成之前二儀尚昧衆生貯糧之後三光乃照動寶意之深慈啓吉祥之幽思御陽精而澄流駕陰魄而騰暉馳風驛而運行應璇璣而合度紀寒暑於三際繫朝夕於四洲雖歷象於上天亦表徵於下土至若德契元良驅輪黃道義乖魚水轉鏡玄途三舍可廻獎善言而効祉五重時現示兆民而肅妍仰鑒玄文俯躬懲勸日月之用其大矣哉

星宿部第二

如大集經云尔時娑伽羅龍王白殊致羅婆菩薩言大士是星宿者本誰所說誰作大聖小星誰作日月何日之中何星在先於虛空中復誰安置三十日月十二月季云何爲時繫屬何處姓何字誰何善何惡何食施若爲是晝是夜日月星宿復若爲行等汝於諸聖

中第一最尊願愍我龍具足解說我等聞已脫苦奉行泰時殊致羅婆菩薩告諸龍言過去世時此賢劫初有一天子名曰大三摩多端正少雙才智聰明以正行化常樂寂靜不樂愛染常樂索身王有夫人多貪色慾王既不幸無處遂心曾於一時見驢命群根相出現慾心發動脫衣就之驢見即交遂成胎歲月滿生子頭耳口眼悉皆似驢唯身類人而復龐澁駭毛被體與畜無殊夫人見之心驚怖畏即便委棄投於廁中以福力故處空不墮時有羅刹婦名曰驢神見兒不汚念言福子遂於空中接取洗持將往雪山乳哺畜養猶如己子等無有異及至長成教服仙藥與天童子日夜共遊復有大天亦來受護此兒飲食甘菓藥草身體轉異福德莊嚴大光照曜如是天衆同共稱美號爲怯盧<sub>漢語</sub>託<sub>音驢</sub>脣大仙聖人以是因緣彼雪山中并及餘處悉皆化生種種好華好菓好藥好香種種清

流種種好鳥在所行住普皆豐盈以此藥菓資益因緣其餘形容麗相悉轉身體端正唯脣似驢是故名爲驢脣仙人是驢脣仙人學於聖法經六萬年翹於一脚日夜不下無有倦心天見大仙受如是苦時諸梵衆及帝釋天并餘上方欲色界等和合悉來礼拜供養乃至龍衆脩羅夜叉一切雲集所有仙聖修梵行人皆來到此驢脣聖人邊覩設供養已合掌問言大仙聖人欲求何等唯願爲我諸天說之若我能即當相與終不憐惜尔時驢脣聞是語已內心慶幸答諸天言必能稱我情所求者今當略說我念宿命過去劫時見虛空中有諸列宿日月五星晝夜運行而守常度爲於天下而作照明我欲了知分別識解暗暝故不憚劬勞此賢劫初無如是事汝等一切諸天龍神憐我故來願說星辰日月法用猶如過去置立安施造作便宜善惡好醜如我所願具足說之一切天言大德仙人

其事甚深非我境界若爲憐愍一切衆生如過去時願速自說尔時法盧毘吒仙告一切天言初置星宿昴爲先首衆星輪轉運行虛空告諸天衆說昴爲先首其事是不爾時日天而作是言此昴宿者常行虛空歷四天下恒作善事饒益我等知彼宿屬於火天是時

三

朱林四

衆中有一聖人名大威德復作是言彼昴宿者我妹之子其星有六形如似剃刀一日一夜歷四天下行三十時屬於火天姓韃耶尼屬彼宿者祭之用酪復次置畢爲第二宿屬於水天姓頗羅墮畢有五星形如立义一日一夜行三十五時屬畢宿者祭用鹿肉復次置觜爲第三宿屬於月天即是月天子姓毗梨伽耶尼星數有三形如鹿頭一日一夜行十五時屬觜宿者祭用根及果復次置參爲第四宿屬於日天姓婆私失繩其性大惡多

十五時屬參宿者祭用醍醐復次置井爲第

五宿屬於日天姓婆私失繩其於有兩星形如腳跡一日一夜行十五時屬井宿者以粒米華和蜜祭之復次置鬼爲第六宿屬歲星天歲星之子姓炮波那毗其性溫和樂修善法其有三星猶如諸佛脣滿相一日一夜行三十時屬鬼宿者亦以粒米華和蜜祭之復次置柳爲第七宿屬於蛇天即姓蛇氏止有一星如婦人麤一日一夜行十五時屬柳星者祭用乳糜一右此七宿當於東門復次置南方第一之宿名曰七星屬於火天姓賓伽耶尼其有五星形如河岸一日一夜行三十時屬此星者宜用粒米烏麻作粥祭之復次置張爲第二宿屬於福德天姓瞿曇弥其星有二形如人之腳跡一日一夜行三十時屬張宿者將毗羅婆果以用祭之復次置翼爲第三宿屬於林天姓惱陳如其有二星形如腳跡一日一夜行十五時屬翼星者用青黑豆煮熟祭之復次置軫爲第四宿屬沙

毗梨帝天姓迦遮延蝎仙人子其星有五形如人手一日一夜行三十時屬軫星者作粥稗飯而以祭之復次置角爲第五宿屬喜樂天姓質多羅延尼乾闥婆子止有一星如婦人麤一日一夜行十五時屬於角者以諸華飯而祭之社朱林四復次置亢爲第六宿屬摩始羅天姓迦旃延尼其有一星如婦人麤一日一夜行十五時屬亢星者當取菉豆和蘇蜜煮以用祭之復次置氐爲第七宿屬於火天姓些者利多耶尼一日一夜行三十五時屬氐宿者取種種華作食祭之四右此七宿當於南門次復置西方第一之宿其名曰房屬於慈天姓阿藍婆耶尼房有四星形如瓔珞一日一夜行三十時屬房宿者以酒肉祭之次復置心爲第二宿屬於帝釋天姓羅延那心有三星形如大交一日一夜行十五時屬於心星者以粒米粥而用祭之次復置尾爲第三宿屬獵師天姓迦遮耶尼尾有七星形如蝎尾一

日一夜行三十時屬尾星者以諸果根作食  
祭之次復置箕爲第四宿屬於水天姓持义  
迦旃延尼箕有四星形如牛角一日一夜行  
三十時屬箕宿者取尼拘陀皮汁祭之次復  
置斗爲第五宿屬於火天姓摸伽邏尼斗有  
四星如人拓地一日一夜行四十五時屬斗  
宿者以粳米華和蜜祭之次復置牛爲第六  
宿屬於梵天姓梵嵐摩牛有三星形如牛頭  
一日一夜行於六時屬牛宿者以醍醐而用  
祭之次復置女爲第七宿屬毗紐天姓帝利  
迦遮耶尼女有四星如大麥粒一日一夜行三  
十時屬女宿者以鳥肉祭之

五  
朱林一  
阿彌陀排尼奎有一星如婦人麁一日一夜  
行三十時屬奎宿者以酪祭之次復置婁爲  
第六宿屬乾闥婆天姓阿含婆婁有三星形  
如馬頭一日一夜行三十時屬婁星者以大  
麥飯并肉祭之次復置婁爲第七宿屬闍摩  
羅天姓跋伽毗胃有三星形如鼎足一日一  
夜行四十時屬胃宿者以粳米烏麻及以野  
棗而用祭之右此七宿當於北門  
此二十八宿有五宿行四十五時所謂畢參  
氏斗壁等二十八宿言義廣多特難深趣不  
具宣我今略說是宿時同聞諸天皆悉歡喜  
余時盧風吒仙人於大衆前合掌說言如是

右此七宿當於西門次復置北方第一之  
宿名爲虛星屬帝釋天娑婆天子姓惱陳如  
虛有四星其形如鳥一日一夜行三十時屬  
虛星者煮鳥豆汁而用祭之次復置危爲第  
二宿屬多羅擎天姓單那尼一日一夜行十  
五時屬此危宿者以粳米粥而用祭之次復

安置日月年時此以文多故不錄之向一大小星宿何者名爲有六時耶答曰正月名暄暖時三月名種作時五月六月名求降雨時七月八月名物欲熟時九月十月名寒凍之時十一月十二月合此十二月大雪之時是十一月分爲六時又大星宿其數有人所謂歲星熒惑星鎮星太白星辰星日星月星荷邇候星又小星宿有二十八所謂從前昴至胃諸星是也我作如是次第安置汝等皆得見聞於意云何爾時一切天人仙人阿脩羅龍及那羅等皆悉合掌咸作是言如今天仙於天人間最爲尊重乃至諸龍及阿脩羅無能勝

卷四

六

七

者智慧慈悲最爲第一於無量劫不忘憐愍一切衆生故獲福報一切天人之間無有如是智慧之者如是法用更無衆生能作是法皆悉隨喜安樂我等善哉大德安隱衆生是時法盧風吒仙人復作是言此十二月一年始終如此方便大小星等刹那時法皆已說

竟又復安置四天大王於須弥四方面所各置一王是諸方所各饒衆生是時一切大衆皆稱善哉歡喜無量是時天龍夜叉阿修羅等日夜供養復於後過無量世更有仙人名伽力出現於世後更別說置於星宿小大月法時節要略經說如令且列二十八宿所屬不同各有靈衛故大集經云尔時佛告娑婆世界主大梵天王釋提桓因四天王言過去天仙云何布置諸宿曜辰攝護國土養育衆生大梵天王等而白佛言過去天仙分布安置諸宿曜辰攝護國土養育衆生於四方中各有所主東方七宿一者角宿主於衆鳥二者亢宿主於出家求聖道者三者氐宿主水生衆生四者房宿主行車求利五者心宿主於女人六者尾宿主洲渚衆七者箕宿主於陶師南方七宿一者井宿主於金師二者鬼宿主於一切國王大臣三者柳宿主雪山龍四者星宿主巨富者五者張宿主於盜賊六者

卷四

七

翼宿主於商人七者軫宿主湏羅吒國西方  
七宿一者奎宿主行船人二者婁宿主於商  
人三者胃宿主於婆樓迦國四者昴宿主於  
水牛五者畢宿主一切衆生六者觜宿主驛  
提訶國七者參宿主於刹利比方七宿一者  
斗宿主澆部沙國二者牛宿主於刹利及安  
多鉢竭那國三者女宿主眷伽摩伽陀國四  
者虛宿主那遮羅國五者危宿主着華冠六  
者室宿主乾陀羅國輸盧那國及諸龍蛇腹  
行之類七者壁宿主乾闥婆善樂者大德婆  
伽婆過去天仙如是布置四方諸宿攝護國  
土養育衆生余時佛告梵王等言汝等諦聽  
我於世間天人仙中一切知見最爲殊勝亦  
使諸曜星辰攝護國土養育衆生汝等宣告  
令彼得知如我所分國土衆生各各隨分攝護  
養育分國多少各屬二十八宿問曰此之諸  
星形量大小云何答曰依增一阿含經云大  
星一由旬小星二百步樓炭經云大星圍七

百里中星四百八十里小星二十里星是諸  
天宮宅瑜伽論云諸星宿中其星大者十八  
拘盧舍其中者十拘盧舍最小者四拘盧舍  
述曰若依內經此諸星宿並是諸天宮宅內  
有天住依報所感福力光現若依俗書即云  
是石故宋時星落殞星如石或云非星是天  
河石落故俗書云天河共地河相連故河內  
時有石落如湏弥象齒山經云天空有河名  
耶摩羅於虛空中行亦有大石小砂時有漏  
失即執爲星此非正經是俗所造妄述流行  
非是佛說唐貞觀十八年十月丙申後汾州  
并州文水縣兩界天大雷震空中雲內落一  
石下大如碓嘴脊高腹平其文水縣丞張孝  
靜共汾州官同奏當時西域摩伽陀菩提寺  
長年師來到西京內外博知勑問答云是龍  
食二龍相諍故落下如石准此而言何必天  
落即云是星夫遙天之物非凡度量令人難  
知莫若天也俗云天爲精氣日爲陽精星爲

萬物之精儒教所安也星有墜落乃爲石矣精若是石不可有光性又質重何所繫屬一星之徑大者百里一宿首尾相去數萬百里之物數萬相連闊狹縱斜常不盈縮又星與日月光色同耳但以大小差別不同然而日月又當石耶石既牢密烏兔焉容石在氣中豈能獨運日月辰宿若皆是氣氣體輕浮當與天合往來環轉不得背違其間遲疾理寧一等何故日月五星二十八宿各有度數移動不均寧當氣墮忽變爲石地既渾濁法應沉厚鑿土得泉乃浮水上積水之下復有何物江河百谷從何處生東流到海何爲不溢歸塘尾間渠何所到沃焦之石何氣所然潮汐去還誰所節度天漢懸指那不散落水性畫列國未分翦壘區野若爲躡次封建以來誰所制割國有增減星無進退災祥禍福就中不差懸象之大列星之夥何爲分野止繫

中國昂爲旄頭匈奴之次西胡東夷彫題交趾獨弃之乎以此而求迄無了者豈得以人事尋常抑必宇宙之外乎凡人所信惟耳與目自此之外咸致疑焉儒家說天自有數義或渾或蓋乍穹乍安計極所周茫維所屬若有親見不容不同若所測量寧足依據何故朱子語類  
九信凡人之臆說疑大聖之妙旨而欲必無恒沙世界微塵數劫乎而鄒衍亦有九州之談山中人不信有魚大如木海上人不信有木大如魚漢武帝不信弦膠魏人不信火布胡人見錦不信有蟲食樹吐絲所成吳人身在江南不信有千人鼈帳及來河北不信有二萬石船皆實驗也如世有祝師及諸幻術猶能覆火蹈刃種爪移井倏忽之間千變萬化人力所爲尚能如此何況神通感應不可思量寶幢百由旬座化成淨土踊生妙塔乎又王亥策西國行傳云王使顯慶四年至婆栗闍國王爲漢人設五女戲其五女傳弄三

刀加至十刀又作繩伎騰虛繩上著履而擲手弄三仗刀楯槍等種種關伎雜諸幻術截舌抽腸等不可具述

日宮部第三

依起世經云佛告諸比丘日天宮殿縱廣正等五十一由旬上下亦全以二種物成其宮殿正方如宅遙晝似圓何等爲二所謂金及

頗梨一面兩分皆是天金成清淨光明一面一分是天頗梨成淨潔光明有五種風吹轉而行何等爲五一名爲持二名爲住三名隨順轉四名波羅呵迦五名將行彼日天宮之前別有無量諸天於前而行時各常受樂皆名牢行依長阿含經云日天宮牆薄如華葩爲五風所持也又日宮殿中有闇浮檯金以爲妙輦輶高十六由旬方八由旬莊嚴殊勝天子及眷屬在彼輶中以天五欲具足受樂日天子身壽五百歲子孫相承皆於彼治宮殿住持滿足一劫日天身光出照於輶輶有光明復照宮殿光明相接出已照曜遍四大洲及諸世間日天身輶

及宮殿有一千光明五百光明傍行而照五百光明向下而照日天宮殿常行不息六月北行於一日中漸移北向六俱盧舍五里未曾暫時離於日道六月南行亦一日中漸移南向六俱盧舍不差日道日天宮殿六月行時月天宮殿十五日中亦行尅計

杜

朱蓄

月宮部第四 如起世經云佛告比丘月天子宮殿縱廣正等四十九由旬四面垣牆七寶所成月天宮殿純以天銀天青琉璃而相間錯二分天銀清淨無垢光甚明曜餘之一分天青琉璃亦甚清淨表裏映徹光明遠照亦爲五風攝持而行五風如前月天宮依空而行

亦有無量諸天宮殿引前而行恒受快樂於此月殿亦有大輶青琉璃成舉高十六由旬廣八由旬月天子身與諸天女在此輶中以天種種五欲功德和合受樂隨意而行彼月天子身壽五百歲子孫相承皆於彼治然其宮殿住於一劫彼月天子身分光明照彼青

輦其輦光明照月宮殿宮殿光照四大洲彼月天子有五百光向下而照有五百光傍行而照是故月天名千光明亦復名爲涼冷光明又何因緣月天宮殿漸漸現耶佛答此月三因緣一背相轉二青身諸天形服瓊珞一切悉青常半月中隱覆其宮以隱覆故月漸而現三從日天宮殿有六十光明一時流出障彼月輪以是因緣漸漸而現復何因緣是月宮殿圓淨滿足亦三因緣故令如是一小時月天宮殿面相轉出二青色諸天一切皆青當半月中隱於十五日時形最圓滿光明熾盛譬如於多油中燃火熾炬諸小燈明皆悉隱翳如是月宮十五日時能覆諸光三復次日宮殿六十光明一時流出障月輪者此月宮殿十五日時圓滿具足於一切處皆離翳障是時日光不能隱覆復何因緣月天宮殿於黑月分第十五日一切不現此月宮殿於黑月分十五日最近日宮由彼日光所覆翳

故一切不現復何因緣名爲月耶此月宮殿於黑月分一日已去乃至月盡光明威德漸減少以此因緣名之爲月西方一月分爲至十五日名爲白月十六日已去至於月盡名爲黑月此方遍攝黑月合爲一月也

復何因緣月宮殿中有諸影現此大洲中有闇浮樹因此樹故名闇浮洲其樹高大影現月輪又瑜珈論云由大海中有魚鼈等影高月輪故有其內有黑相現帝試之索肉欲食捨身火中天帝愍之取其燒炙置於月內令未來一切衆生舉目瞻之知是過去菩薩行慈之身

寒暑部第五

依起世經云復何因緣夏時生熱佛言日天宮殿六月之間向北行時一月常行六俱盧舍未曾捨離日所行道但於其中有十因緣所有光明照觸彼十種山令其生熱復何因緣有諸寒冷日天宮殿六月已後漸向南行復有十二因緣能生寒冷於湏弥山佉提羅迦山二山之間有湏弥海闊八萬四千由旬周迴無量其中衆華悉皆徧滿香氣甚盛日

天光明照觸彼海此是第一寒冷因緣第二伊沙陀羅山第三遊軋陀山第四善現山第五馬耳頭山第六尼民陀羅山第七毗耶迦山第八輪圍大山第九闍浮洲中所有諸河流行之處日天照觸故有寒冷第十瞿陀尼洲諸河倍多第十一弗婆提諸河倍多第十二鬱單越諸河倍多此之十二諸河流水日天光明照觸寒冷前之生熱外第十九次空中去地方由四大洲山合為第十也又立世阿毗曇論問言云何冬寒云何春熱云何夏時寒熱是冬時水界最長未減盡時草木由濕未萎乾時地大濕滑火大向下水界上昇所以知然深杜本

水最暖淺水則寒節已至日行路照炙不久陽氣在內食消則速以是事故冬時則寒云何春熱時水界長起減已盡草木乾萎地已燥坼水氣向下火氣上昇何以知然深水則冷淺水則熱冬時已過日行內路照炙則久身內火羸故春熱云何夏時冷熱是大地八月日中恒受照炙大雲降雨之所灑散地氣蒸鬱若風吹時蒸氣消已是時則寒若風不起是時則熱是故夏中有時寒熱西方四朔立春夏冬故不立三時殿也又起世經云以何因緣有諸河水流於世間佛告比丘以有日故有熱有熱故有炙有炙故有蒸有蒸故有汗濕以汗濕故一切山中汗流爲水以成諸河照用部第六依長阿含經云劫初長成時天地大闔有大黑風吹大海水開取日以照天下着湏弥半安日道中行旋繞四天下照燭衆生又起世經云尔時世間便成黑暗是時忽然出生日月及諸星宿便有晝夜年歲時節爾時日天昇大宮殿從東方出繞湏弥山半腹而行於西方沒已還從東出尔時衆生復見日天從東方出各相告言諸仁者還是日天光明宮殿再從東出右繞湏弥當於西沒第三見已亦相語言是天光明流行此也故有如是名字出又智度論云日月方圓

五百由旬而今所見不過如扇處處經云佛語阿難人眼所見知四十二萬由旬人眼所見又立世阿毗曇云云何爲夜云何爲晝因月故夜因日故晝欲界者自性黑暗日光隱故是則爲夜日光顯故是則爲晝又起世經云佛告諸比丘若閻浮洲日正中時弗婆提洲日則始沒瞿耶尼洲日則初出鬱單越洲正當半夜若瞿耶尼洲日正中時此閻浮洲日則始沒鬱單越洲日正中時瞿耶尼洲日則始沒弗婆提洲日則初出閻浮洲正當夜半若弗婆提洲日正中時鬱單越洲日則始沒閻浮洲中日則初出瞿耶尼洲正當半夜佛告比丘若閻浮洲人所謂西方瞿耶尼人以爲東方瞿耶尼人所謂西方鬱單越人以爲東方弗婆提人所謂西方弗婆提人以爲東方弗婆提人所謂西方弗婆提人以爲東方南北二方亦復如是 虜盈部第七 依立世阿毗曇論云云何黑半云何白半由

日黑半由日白半日恒逐月行一一日相近四萬八千八十由旬日日相離亦復如是若相近時日月圓被覆三由旬又一由旬三分之一以是事故十五日月被覆則晝是日黑半圓滿日日離月亦四萬八千八十由旬月日日開三由旬又一由旬三分之一以是事故十五日月則開淨圓滿世間則名白半圓滿日月若最相離行是時月圓世間則說白半圓滿日月若共一處是名合行世間則說黑半圓滿若日隨月後行日光照月光月光麗故被照生影此月影還自翳月是故見月後分不圓以是事故漸漸掩覆至十五日覆月都盡隨後行時是名黑半若日在月前行日日開淨亦復如是至十五日具足圓滿在緣於冬分時夜長晝短佛答比丘日天宮殿過六月已漸向南行每於一日移六拘盧舍無有差失當於是時日天宮殿在閻浮洲最

朱共

古

極南垂地形狹小日過速疾以此因緣於冬分時晝短夜長復何因緣於春夏時晝長夜短佛答云日天宮殿過六月已漸向北行每一日中移六俱盧舍無有差失異於常道當於是時在闍浮洲處中而行地寬行久所以晝長以此因緣春夏晝長夜分短促智度論云如阿鞞跋致品中所說日月歲節者曰名從旦至月初分中分後分夜亦有三分一日一  
夜有三十時春秋分時十五時屬晝十五時屬夜餘時增減若五月至晝十八時夜十二時十一月至夜十八時晝十二時一月或三十日半或三十日或二十九日半或二十七日半有四種月一者日月二者世間月三者月月四者星宿月日月者三十日半世間月者三十日月月者二十九日加六十二分之三十星宿月者二十七日加六十分之二十一旬住乃至劫盡長阿含經云劫初時有雲得閏月者從日月世間月二事中出是名十三月或十三月名一歲是歲三百六十六日周

而復始菩薩知日中分時前分已過後分未生中分無住處無相可取日分空空無所有到三十日時二十九日減云何和合成日月無故云何和合而爲歲以是故佛言世間法如幻如夢但是誑心法菩薩能知世間日月歲和合能知破散無所有是名巧分別人多依經

朱禁

十五

依經

禪福日月種種微惡具如經說

昇雲部第八

依起世經云於世間中有四種雲一白二黑三赤四黃此四雲中若白色雲者多有地界若黑色雲者多有水界若赤色雲者多有火界若黃色雲者多有風界有雲從地上昇在虛空中一俱盧奢二三乃至七俱盧奢住或復有雲上虛空中一由旬乃至七由旬住或復有雲上虛空中百由旬乃至七百由旬住或復有雲從地上虛空千由旬乃至七千由旬住乃至劫盡長阿含經云劫初時有雲得至光音天依經雲亦多種或有五色慶雲而現或有赤雲黑雲種種而現不可

經等具述

也

震雷部第九

依起世經云佛告諸比丘或有外道來問汝云何因緣故虛空中有是聲耶汝應答云有三因緣更相觸故雲聚空中有音聲出何者爲三一雲中風界與地界相觸著故便有聲出二於雲中風界與彼水界相觸著故即便聲出三於雲中風界與彼火界相觸著故即便聲出所以者何譬如樹枝相揩即有火出此亦如是依經雷亦多種或有雷車鼓鬼神亦有罪惡多者霽而死見受報也

## 擊電部第十

依起世經云佛告諸比丘或有外道來問汝云何因緣故虛空中忽生電光汝應答云有二因緣雲中出電何等爲二一東方有電名曰無厚南方有電名順流西方有電名墮光明北方有電名曰百生樹二者或有一時東方所出無厚大電與彼西方墮光明電相觸相對相磨相打以如是故從彼虛空雲聚之中出生大明名曰電光或復南方順流大電與彼北方百生樹大電相觸相對相磨相打

以如是故出電光譬<sup>如</sup>兩木風吹相着忽然火出還歸本處依經文先有雷無電或先有後雷相擊火出霹靂人物

降雨部第十一 依分別功德論云雨有三種一天兩二龍兩三阿修羅兩天雨細霧龍雨甚麗喜則和潤瞋則雷電阿修羅爲共帝釋闢亦能降雨麤細不定依經雨亦多種或有無雲而雨或有

其

朱雀四

十

## 失候部第十二

如起世經云佛告諸比丘

朱雀四

十

有五因緣能障礙雨令占師不測增長迷惑記天必雨而更不雨何者爲五一於虛空中雲興雷作伽茶伽茶瞿厨瞿厨等聲或出電光或有風吹冷氣至如是種種皆是雨相諸占察人及天文師等悉尅此時必當降雨爾時羅睺阿脩羅王從其宮出便以兩手撮彼雨雲擲置海中此是第一雨障因緣占者不知而竟不雨第二有時虛空起雲雲中亦作伽茶等聲亦出電光復有風吹冷氣來時占者見相尅天降雨少時火界增上力生即於其

時雨雲燒滅此名第二兩障因緣占者不知而遂不雨第三有時虛空中起雲雲中亦作伽荼等聲亦出電光復有風吹冷氣來時占者見已記天必雨以風界增上力生則吹雲擲置於彼迦陵伽磧中或置諸曠野中或置摩連那磧地此名第三雨障因緣占者不知而遂不雨第四有諸衆生爲放逸汚清淨行故天不依雨第五爲闇浮提人有不如法慳貪嫉妬邪見顛倒故天則不雨此二作法並同前說長阿含經亦以此因緣相師迷惑占雨不定增一阿含經云日月有重翳使不得放光明何等爲四一者雲二者風塵三者煙四者阿湏倫杜未林四十七

使覆日月不得放光明比丘亦有四結覆蔽人心不得開解一者欲結二者瞋恚三者愚癡四者利養覆蔽人心不得開解四分律亦有四種喻同前一者媱慾二者飲酒三者捉錢寶四者邪命有此四法亦令佛法不明了故頌曰  
火氣上昇煙 雲氣變霆雲

神龍吐津霧 鶻埃坋人塵 酒爲放逸門  
蟠爲生死源 金銀生患重 邪命壞戒根  
地動部第十三 依佛般泥洹經云阿難又手問佛欲知地動幾事佛語阿難有三因緣一爲地倚水上水倚於風風倚於空大風起則水擾水擾則地動二爲得道沙門及神妙天欲現感應故以地動三爲佛力自我作佛前後已動三千日月萬三千天地無不感發天人鬼神多得聞解又大方等大集念佛三昧經云一切大地六種震動一動遍動等遍動二震遍震等遍震三涌遍涌等遍涌四吼遍吼等遍吼五起遍起等遍起六覺遍覺等遍覺是六各三合十八相如是東涌西沒西涌東沒南涌北沒北涌南沒中涌邊沒邊涌中沒又立世阿毗曇論云佛告富樓那復有大神通威德諸天若欲震動大地即能令動若諸比丘有大神通及大威德觀地大相令小相令大欲令地動亦能震動令地動有風名驛

嵐婆此風常吹俱動不息風力上昇有風下吹亦有傍動是風平等圓轉相持又智度論云地動有四種一火二龍三金翅鳥四天三十八宿等又諸羅漢諸天等亦能地動又增一阿含經云佛在舍衛城告諸比丘有八因緣而地大動此地深六十八千由延爲水所持水依虛空或復是時虛空風動而水亦動水動地便大動是初動也若比丘得神足所欲自在觀地如掌能使地大動是二動也若復諸天有大神足有大威力能使地動是三動也若復菩薩在兜衛天欲降神下生是時地動是四動也若菩薩自知在母胞中地爲大動是五動也若菩薩知滿十

杜  
朱林四  
十八

月當出母胎地爲大動是六動也若菩薩出家於道場坐降伏魔怨終成等覺地爲大動是七動也若未來於無餘涅槃界而般涅槃地爲大動是八動也依經地動亦有多種或有果聖人出世或有諸佛菩薩出世或動一世界多亦有薄福衆生感得地動摸破依正兩報具如經說

述曰自下略敘俗書天地初分陰

陽形變之意謂有五重一元氣二太易三太初四大始五太素第一尤氣者依河圖曰元氣無形匈匈蒙蒙偃者爲地伏者爲天禮統曰天地者元氣之所生萬物之祖皇甫士安帝王世紀曰元氣始萌謂之太初三五歷紀曰未有天地之時混沌如鷄子溟涬始可溟鴛滋分歲起攝提元氣啓肇帝系譜曰天地初起溟涬濛鴛即生天皇治萬八千歲以木德王列子曰夫有形者生於無形則天地安從生張虔住曰天地無所從生而自然生故有太易有太初有太始有太素變而爲一一變而爲七七變而爲九九者變之究也乃復變而爲一一者形變之始也清輕者上爲天濁重者下爲地沖和氣者爲人故天地含精萬物化生也故易上繫曰易有太極是生兩儀兩儀生四象四象生八卦八卦定其吉凶也春秋感精符曰人主與日月同明四時合信故父天母地兄

杜  
朱林四

日姊月父天於圓立之禮也兄日於東郊也母地方澤之郊春

秋說題辭曰天之爲言填也居高理下爲人  
經群陽精也含爲太一分爲殊名故立字一  
大爲天春秋繁露曰天有十端天爲一端地  
爲一端陽爲一端陰爲一端土爲一端人爲  
一端金爲一端木爲一端水爲一端火爲一  
端凡十端天亦喜怒之氣哀樂之心與人相  
副以類合之天人一也春喜氣故生秋怒氣故  
殺夏樂氣故養冬哀氣故藏四者天人同有  
之余雅曰穹蒼蒼天也李巡曰古時人質仰  
視天形穹隆而高其期  
色蒼蒼故春爲蒼天李巡曰春万物始生其夏  
色蒼蒼也  
爲昊天李巡曰夏万物壯其秋爲昊天  
氣昊故曰昊天也  
郭景純曰昊猶愍愍万物影落也  
冬爲上天李巡曰秋万物成熟皆有文章故曰昊天是文也  
郭景純曰昊猶愍愍万物影落也  
冬爲上天李巡曰冬

陰氣在上方物伏藏故曰上天也  
郭廣雅曰天圓  
廣南北二億三萬三千五百里七十五步東  
西短減四步周六億十萬七百里二十五步  
從地至天一億一萬六千七百八十一里半  
下度之厚與天高等孝經周天七衡六間日  
周天有七衡而六間者相去萬九千八百三

十三里三分里之一合十七萬九千里從內  
衡以至中衡從中衡以至外衡各五萬九千  
五百里洛書甄曜度曰周天三百六十五度  
四分度之一又度爲千九百三十二里則天  
地相去十七萬八千五百里論衡曰日一日  
行一度一度二千里日晝行千里舒疾興驥  
驥之步相類也白虎通曰日行遲日行一度  
月行十三度十九分度之七日月徑千里又  
計日行路有其内外從極北至極南相去九  
百九十由旬經一百八十日日行從內至外  
又從一百八十日日行從外至內是故名行  
言日行六十里者由輪大故日逆天行以行  
遲故唯六十里是故一年有十二月六月北  
行六月南行總有三百六十度行路也白虎  
通曰月所以滿缺何歸功於日也三日成魄  
八日成光二八十六轉而歸功晦至朔旦受  
符復行也月有大小行天左旋日右行日行  
遲月行疾及日爲一月至二十九日未及

朱林口

七度即湏三十日過七度日不可分故乍小  
胡有陰陽即有閏月行周天三百六十五度  
四分度之一十二月日不匝十二度故三年  
一閏五年再閏也明陰不足陽有餘閏者陽  
之餘也徐整長曆日月徑千里周圍三千里  
下於天七千里尚書者靈曜之日光照三十  
萬六千里又地說書日月照四十五萬里列  
子曰孔子東遊見兩小兒辯鬪問其故一小  
兒曰我以日始出去人近而日中時遠一小  
兒以爲日初出時遠而日中時近也一兒曰  
日初出大如車蓋及其中纔如槃蓋此不爲  
遠者小而近者大乎一小兒曰日初出滄滄  
涼涼及其中如探湯此不爲近者熱而遠者  
涼乎孔子不能決也兩小兒笑曰孰謂汝多  
智乎桓譚新論曰余小時間問言孔子東  
遊見兩小兒辯鬪問其故一兒曰我以日始  
出時近日中時遠一兒以日初出遠日中時  
近長水校尉閔子陽以爲天去人上遠而四

傍近以星宿昏時出東方其間甚踈相去丈  
餘夜半在上視之甚數相去唯一二尺日爲  
天陽火爲地陽地陽上昇天陽下降令置火  
於地從傍與上診其熱遠近不同乃差半焉  
日中在上當天陽之衡故熱於始出從太陽  
中來故涼西在柔榆大小雖同氣猶不如清  
朝也論衡卷之四曰夫日月不圓視若圓者去  
人遠也夫日火精在地水火不圓在天火何  
故獨圓日月在天猶五星五星猶列星不圓  
光曜若圓何以明之春秋之時星寶宋都視  
之石也不圓是知日月五星亦不圓也論衡  
曰儒言日中有三足烏日者火也烏火中樵

三日成魄八日成光蟾蜍體就決鼻始萌朱均

春秋演孔圖曰蟾蜍月精也春秋元命包曰陰精爲月日行十三度常謳任而受陽精受明精在內故金水內景河圖始開曰黃泉之埃上爲青雲青泉之埃上爲赤雲白泉

之埃上爲白雲玄泉之埃上爲玄雲

准南又戴

河

圖括地象曰崑崙山出五色雲氣易說卦曰巽爲風撓萬物者莫疾於風風以動之河圖帝通記曰風者天地之使也少雅曰四時和爲通正謂之景風

李巡曰景風太平之風也

南風謂之颯風東風謂之谷風北風謂之涼風西風謂之太

風焚輪謂之頽

郭朴注風從上下暴扶搖謂之焱

從止

風與之爲沌

音沌

回風爲飄日出而風爲

暴風而雨土爲霾

音墮

陰而風爲曠易稽覽圖曰

降陽爲風降陽之動不鳴條易說卦曰震爲雷

動萬物者莫大於雷河圖帝通記曰雷天地之鼓也左傳照二日歲冰以時則雷出震棄

冰不用則雷不發而震春秋元命包曰陰陽

合而爲雷師曠占曰春雷始起其音柏柏格

其霹靂者所謂雄雷旱氣也其鳴依音音不

大霹靂者所謂雌雷水氣也師曠占曰春分

雨雷有音如雷非雷音在地中其所住者兵

起其下無雷而雷名曰天狗行不出三年其

國凶河圖始開圖曰激陽爲雷易稽覽圖曰陰陽和合其電耀耀也其光長春秋元命包曰陰陽激爲電史記天官書電者陰陽之動也穀梁傳曰隱公曰霆雷

謂急雷今謂之霹靂也

少雅曰疾雷爲霆蜺

郭朴法日雷之急謂之霹靂也

說文曰震霹

靈震動也釋名曰霹靂折也震戰也所擊輒

破若攻戰也異苑曰沙門釋慧遠接神廬岳嘗有遊龍翔其前遠公有奴以石擲中仍騰躍上昇有頃風颶燐公知是龍之所興登山燒香會僧齊聲唱偈於是霹靂迴向投龍之石雲雨乃除異苑曰乞佛虜凶虐暴惡嘗中霹靂其挺引身出外題背四字表其凶匿國

少時爲涉去所弃 頌曰

日月長懸 天曜恒暉 畫金夜玉孰與玄期  
出則晃朗 没已還晞 舞盈隱顯晦朔旋璣  
星辰列位 福壽靈威 聖人建立隨業增微  
雲龍相會 升降分離繫動雷電 寒暑應時  
法苑珠林卷第四

**擊電**上古音譯切 **驛**音繫切 **詣**切 **社**勑里切 **洮**音遙切 **軒**  
下古音譯切 **馬**亦切 **鞞**音繫切 **社**勑里切 **洮**音遙切 **軒**  
古音譯切 **顚**音激切 **駭**音駭切 **加**音加切 **憚**良刃切 **憚**徒案切  
也切 **難**音難切 **鞞**部反切 **迷**音迷切 **觜**音觜切 **宜**音宜切 **緜**音緜切 **知**音知切  
米 **糜**米爲音糜切 **當**音當切 **莽**音莽切 **拜**音拜切 **始**古右切 **始**作始切 **當**汝扁切  
穀行切 **耶**寫耶切 **拓**他切 **各**音各切 **嵐**音嵐切 **舍**音舍切 **紐**女久女切 **發**音發切 **迦**音迦切  
也切 **難**音難切 **鞞**部切 **迷**音迷切 **觜**音觜切 **宜**音宜切 **緜**音緜切 **知**音知切  
米 **糜**米爲音糜切 **當**音當切 **莽**音莽切 **拜**音拜切 **始**古右切 **始**作始切 **當**汝扁切  
穀行切 **耶**寫耶切 **拓**他切 **各**音各切 **嵐**音嵐切 **舍**音舍切 **紐**女久女切 **發**音發切 **迦**音迦切

## 法苑珠林卷第五

杜五

大唐上都西明寺沙門釋道世撰

## 六道篇第四

**六道篇第四**此六部即爲六趣也 **天人阿脩羅鬼畜生**  
**地獄諸天部**此四部別

報謝部

集解

## 述意部第一

夫論天報識復豈華服玩光新身形輕妙而  
 自在天上更是魔王無想定中翻爲外道四  
 空之頂邪孰不輕六欲之間迷惑殊重不能  
 受持般若供養涅槃惰慢轉增我人逾盛所  
 以頭華萎髮腋汗流衿寶殿歇光羅衣聚膩

懲斯淨心悉皆懾蕩普爲四王忉利兜率炎  
 摩化樂他化梵王梵輔光音遍淨廣果那含  
 不煩不熱善見善現空處識處不用處非非  
 想處乃至擴窮他界堅極上天或復端坐華  
 臺動逾劫數凝神玉殿一視千年願今自然  
 之服不離身形善法之堂永蒙遊觀絕生離  
 之病無戰陣之勞長謝五羣恒豐七寶色像  
 端嚴容儀煥爍永離苦因清昇樂果也

## 會名部第二

問曰云何名六趣依毗曇論云趣者名到亦  
 名爲道謂彼善惡業因道能運到其生趣處  
 故名爲趣亦可依所造之業趣彼生處故名  
 為趣又趣者歸向之義謂所造業能歸向於  
 天乃至地獄也問曰唯有此六趣定更有餘  
 道耶答曰且據一家不增減說若依樓炭經  
 中亦說九道衆生共居一菩薩道二緣覺道  
 三聲聞道怙前六道以凡聖同居爲欲相倣  
 也天者如婆沙釋名光明照曜故名爲天又